

四庫全書

史部

欽定四庫全書

史部

欽定熱河志卷

九十八至
一百一

詳校官編修臣曹城

檢討臣德生覆勘

總校官舉人臣章維桓

校對官編修臣戴心亨

謄錄監生臣陶嗣曾

欽定四庫全書

欽定熱河志卷九十八

古蹟二

建昌縣

即塔子溝廳

惠和故城

在建昌縣北境遼置惠州治惠和縣

屬中京金廢州以縣屬大定府元屬大寧路明初

廢元一統志謂惠和縣西南至大寧路北至高州

東南至金源縣東至武平縣今縣北三百四十里

教漢旗西境地名博羅科有廢城城基周四里城

北山上有浮圖高五丈其西南接平泉州

即八溝廳屬

喀喇沁右翼旗界為大寧路地其西北接平泉州

屬翁牛特旗界為高州地當為故惠和城

利州故城

在建昌縣東北遼統和四年置阜俗

縣二十六年置利州以領縣屬中京金因之元以

阜俗縣省入屬大寧路明洪武初嘗割隸遼東永

樂後廢元一統志謂利州西北至大寧路西至和

衆縣南至龍山縣今縣治東北七十里有廢城址
東西一百三十五丈南北二百丈周四里土人稱
為大城子城外有大小浮圖三亦名小三座塔城
東有金承安五年利州精嚴禪寺圖蓋和尚塔銘
為北京路轉運度支判官趙秉文撰其文云松漠
之北利州之東無縫塔樣八面玲瓏又元至元二
十四年利州長壽山玉京觀地產碑為白霄李察
撰文白霄張洪禮書丹其文云跋利州之西憑榆

河之渡仡然魁秀者長壽山也知大城子為故利
州城信矣大城子在縣屬喀喇沁左翼旗北界其
西北接平泉州喀喇沁右翼旗界為大寧路地亦
與元一統志西北至大寧一百六十里之方位相
合

滿井 在利州故城南元一統志滿井在利州南
十三里鳳翼莊其水清冷冬溫夏涼晝夜外湧至
中夏正牛澄澈見底雖毫髮之微歷歷可數居民

引以灌澆用之釀酒其味尤佳

會經樓 在利州故城內元一統志會經樓在利
州市心金章宗泰和年建今無存

圓蓋和尚塔 在利州故城東金承安中閑閑居
士趙秉文所撰誌詔猶存圓蓋利州阜俗人從北
京微公付法大定六年開堂於精嚴寺繼主松林
靈感時人稱為蓋堂頭

融安和尚塔 在利州故城東天成觀之傍塔上

有融安和尚靈塔六字其年月無考

龍山故城 在建昌縣南遼開泰二年置龍山縣

後置潭州以領縣屬中京金皇統三年廢州以縣

改屬利州元屬大寧路明初廢元一統志謂龍山

縣北至利州西北至和衆縣南至冷口今縣屬喀

喇沁左翼旗西南八里大凌河之旁有廢城址周

三里其北即大城子為利州地其西北即小城子

為和衆縣地其西南即永平府邊牆之冷口當為

故龍山城

和衆故城 在建昌縣西北遼置榆州治和衆縣
屬中京金廢州以縣屬大定府元屬大寧路明初
廢元一統志謂和衆縣西北至大寧路東至利州
東北至富庶縣東南至龍山縣今縣治西北二十
五里有土城址東西一百六十丈南北一百五十
丈周三里有奇土人稱為小城子城西里許有浮
圖一小城子在縣屬喀喇沁左翼旗東北界其北

接平泉州屬喀喇沁右翼旂界為大寧路地其東
九十里即大城子為利地當為故和衆城

秦王魚石 在故和衆縣北元一統志秦王魚石
在和衆縣北三里七寶山中其石皆有魚形所稱
秦王者未詳所指元一統志載瑞州產魚曰秦王
鱸以唐太宗征遼駐此得名魚石之得名疑即因
此

白狼城 在建昌縣南魏書建德郡治白狼城

今縣

南境為北魏
建德部地

十六國春秋後燕錄慕容垂時北平

吳柱聚寇衆廣都入白狼城又高雲以并州刺史
鎮白狼又北燕錄馮跋時以并青二州牧鎮白狼
馮宏時魏遣將軍古弼等克白狼城白狼城在慕容
燕時為重鎮方輿紀要白狼城在營州西南今
無考

乙連城 在建昌縣西南十六國春秋前燕錄慕容
皝遣材官將軍劉佩攻乙連不克蓋是時乙連

尚為鮮卑段氏之地

今縣南境為晉時鮮卑段氏地

後入慕容氏

又後燕錄慕容寶時議欲伐魏於永康三年二月

己卯發兵龍城壬午次於乙連既而寶為蘭汗所

殺慕容奇起兵於建安進屯乙連又北燕錄馮跋

時魏遣將軍長孫道生率師襲乙連城克之進攻

和襲方輿紀要乙連城在營州西南二百里今無

考

好城 在建昌縣境內十六國春秋前燕錄慕容

孰築好城於乙連東使蘭勃戍之以逼乙連今無考

曲水城 在建昌縣境內十六國春秋前燕錄慕容孰使蘭勃戍好城復城曲水以為勃援知曲水與好城相近今無考

興國城 在建昌縣境內十六國春秋前燕錄段遼遣屈雲夜襲慕容孰子遵於興國城雲敗斬之方興紀要謂慕容氏築興國城與乙連城相距數

十里今無考

新城 在建昌縣東十六國春秋前燕錄慕容廆遣子翰攻段氏取徒河新城後燕錄慕容熙以青州刺史鎮新城方輿紀要謂新城在徒河之西為鮮卑段氏所置縣考徒河在今錦州府錦縣之西北而新城更其西當在縣界今無考

金紫城 在建昌縣境內魏書地形志建德郡廣都縣有金紫城今無考

長谷 在建昌縣境內十六國春秋北燕錄馮跋之父安東徙和龍家於長谷又跋弟宏為亂跋驚死宏葬之於長谷今無考

雲峰真人康泰真墓 在建昌縣東北六十里長壽山中墓旁石碑一立於元初碑尾書丙辰年癸巳月丁酉日建撰文者白霄進士李姓其名已剝落刊石者白霄石匠高守真也以史考之丙辰為元憲宗之六年時未有年號故以干支紀年也泰

真利州花務村人元初特賜含真體道至德真人
自號雲峯子

朝陽縣

即三座塔廳

興中故城

即朝陽縣治慕容燕之國都也十六

國春秋前燕錄晉咸康七年慕容皝以柳城之北

龍山之西

一作南

福地也使築龍城八年皝遷都龍

城歷苻秦及後燕北燕元魏並曰龍城魏之營州

昌黎郡隋之營州遼西郡唐之營州柳城郡皆在

其地亦曰黃龍城水經注白狼水北逕黃龍城魏氏土地記曰黃龍城西南有白狼河北燕馮宏稱臣於宋封為黃龍國主高齊時以營州刺史鎮黃龍隋書稱契丹居黃龍之北皆即指龍城而言至唐時入於奚遼太祖平奚置霸州彰武軍重熙十年升興中府治興中縣金因之元至元七年降為興中州屬大寧路明初改置營州左右中前後五衛永樂初廢明史成化九年遼東總兵歐信以偏

將韓斌等敗三衛於興中即其地也今其城在土
默特右翼旗界周七里有奇遼金時所建三塔猶
存土人稱為三座塔蒙古語三為古爾班塔為蘇
巴爾罕故名古爾班蘇巴爾罕城乾隆十六年於
其地設巡檢司為塔子溝廳東境三十九年析置
三座塔廳四十三年改設縣治

慕容燕宮殿 在故龍城內十六國春秋前燕錄
晉咸康七年正月慕容皝使陽裕等築龍城構門

闕宮殿廟園八年七月旣營龍城新殿建元元年
十月復大起龍城宮闕永和元年二月有黑龍白
龍各一見於龍山旣親率羣僚觀之還宮號所居
新宮曰和龍宮又有承乾殿前燕錄慕容皝十四
年十月饗羣臣於承乾殿又有新昌殿後燕錄慕
容盛長樂二年十二月譙羣臣於新昌又有承華
殿後燕錄慕容熙為苻后起承華殿今並無存
東庠在故龍城內十六國春秋前燕錄慕容皝

十二年二月賜大臣子弟為官學生者號高門生
立東於舊宮以行鄉飲之禮每月臨觀考試優劣
十四年正月親臨東庠考試學生其通經秀異
者擢充近侍今無存

白雀園 在故龍城內十六國春秋後燕錄慕容
盛長樂元年四月有異雀素身綠首棲翔東園二
旬而去改東園為白雀園今無存

東堂 在故龍城內十六國春秋後燕錄長樂二

年十二月引見百僚於東堂考詳器藝又北燕錄
馮跋每遣守宰必親見東堂今無存

洪光門 在故龍城十六園春秋後燕錄慕容熙
光始四年四月擬鄴之鳳陽門作洪光門累級九
重建始元年馮跋等為亂帥衆攻洪光門北燕錄
太平元年高雲為幸臣離班桃仁所殺馮跋升洪
光門以觀變十三年洪光門鶴雀折今無存

龍騰苑 在故龍城外十六國春秋後燕錄光始

三年五月熙大築龍騰苑廣袤十餘里起景雲山
於苑內基廣五百步峯高十七丈四年四月苑起
逍遙宮甘露殿連房數百觀闔相交鑿天河渠引
水入宮又鑿曲光海清涼一作淨池其後至建始元
年馮跋閉門距守熙夜至城門攻北門不克退入
龍騰苑知苑在城外今無存

韭町 在故龍城十六國春秋北燕錄馮跋太平
二年立高雲廟於韭町置園邑二十家今無考

前燕慕容皝墓 在故龍城東龍山上十六國春秋前燕錄慕容皝葬於龍山陵曰龍平元一統志謂墓在興中州西北狼山下又近馬堁山慕容皝設兵伏處皝卒塋於此顯與十六國春秋不合其說恐無據

後燕慕容熙墓 在故龍城西十六國春秋後燕錄慕容熙營符后墓下錮三泉周輪數里內則圖畫尚書八座之象號曰徽平陵及將葬熙為馮跋

等所殺高雲僭立與苻后共葬於徽平陵元一統
志徽平陵在興中川西三十里慕容熙與苻妃葬
處即八角墓

五柳戌 在故營州南唐貞觀時置羈縻順州於
此後廢今無考

靜蕃戌 在故營州東北唐貞觀時置羈縻昌州
於此後廢今無考

陽師鎮 在故營州東北唐貞觀時置羈縻崇州

師州於此後廢今無考

安德故城 在朝陽縣東南柏山上遼置安德州
治安德縣屬興中府金廢州仍以縣屬興中府大
定七年改名永德元廢今土默特右翼旗南七十
里界栢山上有廢城址城外古井旁有遼乾統八
年安德州靈巖寺碑為朝請大夫守殿中少監知
安德州軍州事耶律劬撰文知即故安德城考遼
史地理志安德縣析霸城東南境戶置霸城即興

中府為今縣治此城正居其東南與遼史合

白川州故城 在朝陽縣東北六十七里遼置川

州會同中詔為白川州後省曰川州治咸康縣並

領宏理宜民二縣尋省宏理縣金大定六年廢州

惟存宜民縣屬懿州承安二年復置川州治宜民

縣泰和四年又廢州以縣屬興中府元復置川州

以宜民縣省入屬大寧路明初廢武經總要

元一統志

之川州乃金元改置與遼川州異

謂白川州西南至霸州

即興中城七

十里今土默特右翼旗北一百五里地名四角坂
有廢城址東西一百五丈南北一百六十丈周不
及三里蒙古名卓索喀喇城其西南距縣治六十
七里與武經總要所記方位正合城內有遼開泰
二年佛頂尊勝陀羅尼石幢記為白川州官吏所
建知即遼時故白川州城

佛頂尊勝陀羅尼石幢 在白川州故城內遼開
泰二年建石幢記首云奉為神贊天輔皇帝齊天

彰德皇后萬歲親王公主千秋文武百僚恒居祿
位風調雨順海晏河清一切有情同霑利樂長寧
軍節度掌書記儒林郎試大理評事武騎尉王桂
撰長寧軍節度管内觀察處置等使金紫崇祿大
夫檢校太傅使持節白川州諸軍事白川州刺史
兼御史大夫上柱國以下俱闕神贊天輔為聖宗
尊號遼史仁德皇后傳云冊為齊天皇帝碑云齊天
彰德皇后則史文闕畧也左方列銜可辨識者有

銀青崇祿大夫兼監察御史武騎尉商稅麴務都監
王元泰銀青崇祿大夫兼監察御史武騎尉同兼
麴務張翼三司押衙麴務判官兼知商稅事翟可
行銀青崇祿大夫檢校工部尚書兼御史大夫上
柱國崔宸儒林郎試大理寺評事守白川州咸康
縣令武騎尉王闕銀青崇祿大夫檢校左散騎常
侍兼殿中侍御史驍騎尉江濤觀察判官儒林郎
試大理司直雲騎尉賜緋魚袋田能成內觀察處

置等使金紫崇祿大夫檢校太傅使持節白川州
諸軍事白川州刺史兼御史大夫上柱國鉅鹿縣
開國子食邑五百戶耿延闕皆官此土者也左方
同列名者則有寺主僧義超都維那僧義訓其末
行云石作院使王德辛鐫字

宜民故城 在朝陽縣北遼統和中置宜民縣屬
川州而川州自治咸康縣金大定六年廢川州惟
存宜民縣永安二年復置川州泰和四年廢州以

縣屬興中府蓋金復置之川州移治宜民已非遼

川州之舊元大寧路有川州無宜民縣亦當治宜

民故地矣元一統志謂川州南至興中州西至武

平縣西南至金源縣今其地有土城址高六丈周

八里土人稱為黑城子城北八里有元至正年川

州重修東嶽廟碑為儒學正徐潛撰文醫學正張

質書丹陰有川州達魯噶齊

舊作達魯花赤今改正

特穆爾

舊作帖木兒今改正

及建平典史數字知即遼金之宜民縣

元之故川州城也黑城子南距縣治一百六十八里與元一統志所記方位正合此與遼之白川州別為一城方輿紀要謂川州有東南二城是也

建州故城

在朝陽縣西遼太祖置建州治永霸

縣州初在凌河之南聖宗遷於河北金因之元以永霸縣省入明初廢元一統志謂建州東至興中州西南至利州西至富庶縣北至金源縣今土默特右翼旗一百七十里地名黃河灘有廢城址東

西二百七十丈南北三百六十丈周七里有奇四
門蒙古名喀喇城城西北有浮圖十七級周十二
丈其旁又有小浮圖七級周四丈其東距縣治為
興中州地其西南達大城子為利州地當為故建
州城

荆岸 在故建州東元一統志荆岸以建州東有
荆水昔人決岸溉田故名

石晉李太后墓 在故建州境元一統志李太后

墓在建州熨斗山之北五代漢乾祐二年二月遼
主耶律德光徙晉出帝及李太后於建州節度使
趙延暉避正寢以館之明年三月李太后寢疾謂
出帝曰我死焚其骨送范陽佛舍遂卒帝與后宮
人宮者被髮徒跣扶舁其柩至熨斗山得地穿其
隴首而葬焉後人因號為李太后冢又有安妃從
出帝北遷死於建州道中遂與李太后並葬於此
大悲心陀羅尼石幢 在建州故城北高三尺三

寸六面各鐫陀羅尼咒備蒙古畏吾及漢字數體
書又附近境內有陀羅尼咒廢碑為建州香花邑
人所立字畫殊劣亦不詳建置年月惟首云奉為
承天太后昭聖皇帝皇后萬歲考承天乃遼聖宗
太后尊號昭聖乃聖宗初即位時之尊號則此碑
當建於聖宗初年又滿代營子有元至治二年廢
碑上有建州南開泰鄉安家莊字可辨開泰鄉見
元一統志建州鄉鎮內知其地亦建州界也

漢兒城 在朝陽縣境內五代史晉家人傳李太后自馳至霸州見永康王求於漢兒城側賜地種牧以為生明年徙帝太后於建州節度使趙延暉避正寢以館之去建州數千里外得地五十餘頃帝遣從行者耕而食之遼史亦云故石晉太后詣世宗求於漢城側耕墾自贍許於建州南四十里給地五十頃營構房室創立宗廟所稱漢兒城者蓋即建城也然建州自有二城一在凌河之南一

在凌河之北世宗之時州尚在河南也今縣屬土默特右翼旗西南一百二十里地名五十家子有廢城址周二里許四門久圯城中有浮圖一在大凌河之南當即遼初之建州城謂漢兒城是也

石家寨

在朝陽縣境內遼史耶律哈喇齊

舊作合里

只今改正

傳云重熙中充宋國生辰使館於白溝驛宋

宴勞優者嘲蕭惠河西之敗哈喇齊曰勝負兵家常事我嗣聖皇帝俘石重貴至今興中有石家寨

惠之一敗何足較哉宋人慚服所稱石家寨者
當與建州故城相近今無考

宿軍城 在朝陽縣東北十六國春秋後燕錄慕容
熙時高句驪攻宿軍平州刺史慕容歸棄城走後改置
營州刺史鎮宿軍方輿紀要在營州東北今無考

檢頓城 在朝陽縣魏書地形志昌黎郡龍城縣
有檢頓城今無考

崔目城 在朝陽縣境內水經注方城川水北屈

逕一故城西世謂之雀目城今無考

倭城 在朝陽縣境內水經注高平川水東流逕倭城北今無考

乳樓城 在朝陽縣境內水經注高平川水東南逕乳樓城北又東南注白狼水乳樓城與倭城並當在縣南境今無考

麝香崖石刻 在朝陽縣東遼史地理志興中府有麝香崖天授皇帝刻石在焉天授世宗尊號也

元一統志謂遼天授皇帝嘗獵其間獲一香麝故名麝香崖在今土默特右翼旗東九十里其石刻今無存

紫草務石木橋 在朝陽縣南之羊角屯西故渠旁立二碑其一落剝不能辨其一有懿州路興中州南孝行鄉紫草務至正四年甲申年壬寅月丁卯日重修石木橋碑記孝行鄉見元一統志興中州鄉鎮內碑記文多殘缺字畫亦劣其文略云

山西有澗入於凌源雨水衝壞要路邑衆人等建石木橋一座今水涸斷流橋址無存

佛頂尊勝陀羅尼碑 在朝陽縣南五十家子廢城內塔上高不及三尺共四石先列陀羅尼經序次列陀羅尼經咒字體端整不詳建置年月

鐵舍利塔 在朝陽縣南遼時建靈感寺重熙中鑄鐵塔以藏佛舍利後以定光佛舍利六百粒釋迦佛舍利一千三百餘粒改藏塔下地宮今塔已

無存土人嘗於其處掘土丈餘見地宮一所高八尺廣六尺五寸八面相等周遭嵌碑文中有一碑字大徑二寸餘云維大契丹國興中府重熙十五年丙戌歲十一月丁丑朔十六日壬辰起手鑄次年四月乙巳朔八日壬子午時葬釋迦佛舍利記末載辨塔主僧則覺花島海雲寺業律沙門志全也又有二片為天慶二年講經律論師慧材所撰釋迦定光二佛的身舍利塔記文稱重和十五年

鑄鐵塔一所歷十三簷亘二百尺往往夜晦屢放
虹光邇後展討殿宇津置堂廊每嗟佛壟閉於南
隩大衆僉議欲移中央即有惠行大德潛資義倉
提點雲敷共捨淨資一千緡其諸釋侶量力施錢
共四百千用充功費尋擇良辰亦得吉卦折至十
簷獲定光佛舍利六百餘顆至地宮內獲釋迦佛
舍利一千三百餘顆再選定四月八日午時依舊
如法安葬考遼諸帝無紀元重和者書寫之謚以

重熙為重和耳

石觀音像 在朝陽縣南境之天慶寺像高七尺
圍五尺二寸遼沙門智公所造首唱胎字韻詩二
章自兵部尚書門下侍郎平章事鄭若愚以下和
者二十四人勒石寺中今尚存

卧佛寺石佛 在朝陽縣南恩及山中高八尺圍
四尺不許何年所鑿蒙古於其地建寺寺中有遼
應歷七年十月石幢記首云奉為當今皇帝建造

其記文首二行已缺落第三行以下差可辨識不知何人所撰

千佛洞石佛 在朝陽縣南八十里山腰有洞穿洞口而入有三路其一東出中有大小石佛數十尊莊嚴法身具諸殊相洞前有碑石裂為三段鐫千手千眼觀世音菩薩大悲心陀羅尼咒遼聖宗統和二十三年立

台頭溝山石佛 在朝陽縣東北一百九十里山

下為廳峪道院故址今惟石佛大小數尊尚存半
已殘損有金皇統八年宜州廳峪道院復建藏經
千人邑碑東海徐卓撰文考金史地理志義州遼
宜州天德三年更州名此碑在天德之前故仍稱
宜州也州治在今錦州府之義州此當為州西境
矣碑文稱廳峪者耶律賽音溫舊作詳穩
今改正家之墓
所今無考

波羅台溝石佛 在朝陽縣西六十里山洞中有

石佛像一

石人溝 在朝陽縣東一百十里山澗中有石人

二

附錄無考諸廢城

土城子廢城 今豐寧縣

即四旗廳治

土城子西北廢城 在豐寧縣西北一百五十里

城基周三里有奇地鄰潮河俗名土西城

巴顏托哈廢城 在平泉州

即八溝廳北喀喇沁扎薩

克公旂界城基高數尺周二里東西有門

三道營廢城 在平泉州北三百六十里喀喇沁

右翼旂界城 周約十里東西有門

達拉海溝廢城基在平泉州北三百三十里城基

高四尺東南北有門

巴顏烏拉溝廢城 在平泉州北三百四十里城

基高六尺四門久圯

烏蘭哈達西北廢城

在赤峯縣

即烏蘭哈達廳

境內翁

牛特界城基高四五尺周八里

烏蘭哈達西南廢城 在赤峯縣境內翁牛特界
城基高四五尺周四里

翁牛特北廢城 在赤峯縣境內周五里僅有基
址可辨

藍旗營廢城 在朝陽縣
即三座塔廳境內城基周三

里四門

苞骨洛營廢城 在朝陽縣境內城基周三里

謹按諸廢城大抵皆遼金以來州縣遺趾以別
無証據未能定為何地且自慕容燕元魏以後
又有非州非縣之城如凡城乙連城之類今不
敢傳會謹附錄卷末俟參考焉

欽定熱河志卷九十八

欽定四庫全書

欽定熱河志卷九十九

故事一

承德府全境越在關外自漢迄明惟遼金元三朝
全得之其餘諸代皆分割參錯之壤也其一時用
兵勝負封貢往來以及邊防營建行幸振貸諸典
載在史傳事蹟紛如於諸卷門類無可附麗而又
不容遺逸爰別彙成帙以代相繫以類相從祛繁

複而資參互庶一展卷間時會之興衰幅員之廣隘約畧可觀焉志故事第二十二

漢

匈奴

按漢初匈奴冒頓最強然其建庭直代雲中不在今承德府全境內今境乃漁陽右北平遼西三郡邊外與匈奴左方相接地也至武帝拓塞之後為漢塞地匈奴更徙而西北去今境益遠

茲但就其有事於上谷以東者錄之

漢書匈奴傳燕王盧綰反率其黨且萬人降匈奴

往來上谷以東

時在高帝末年

匈奴數千人盜邊漁陽尤

甚漢使將軍韓安國屯漁陽脩胡

元光六年

匈奴二萬

騎入漢殺遼西太守畧二千餘人又敗漁陽太守

武帝紀作入漁陽敗都尉

軍千餘人圍將軍安國安國時千餘

騎亦且盡會燕救至匈奴乃去

元朔元年

漢書韓安國傳安國為材官將軍屯漁陽捕生口

甯言匈奴遠去即上言方佃作時請且罷屯罷屯
月餘匈奴大入上谷漁陽安國壁乃有七百餘人
出與戰安國傷入壁匈奴虜畧千餘人及畜產去
上怒使使責讓安國徙益東屯右北平
即元朔
元年事
漢書武帝紀元朔二年冬匈奴入上谷漁陽殺畧
吏民千餘人

荀悅漢紀元朔五年春將軍李息將軍張次公出
右北平擊匈奴

漢書匈奴傳漢使博望侯

武帝紀作
衛尉張騫

及李將軍廣

武帝紀作郎
中令李廣

出右北平擊匈奴左賢王左賢王圍

李廣廣軍四千人死者過半殺虜亦過當會博望

侯軍救至李將軍得脫盡亡其

元狩二年

匈奴入右北

平定襄各數萬騎殺畧千餘人

元狩三年

漢書李廣傳廣以郎中令將四千騎出右北平博

望侯張騫將萬騎與廣俱異道行數百里匈奴左

賢王將四萬騎圍廣廣軍士皆恐廣乃使其子敢

往馳之從數十騎直貫胡騎出其左右而還報廣
曰胡虜易與耳軍士乃安為圍陳外嚮胡急擊矢
下如雨漢兵死者過半漢矢且盡廣乃令持滿毋
發而廣身自以大黃射其裨將殺數人胡虜益解
會暮吏士無人色而廣意氣自如益治軍軍中服
其勇也明日復力戰而博望侯軍亦至匈奴乃解
去

即元狩
二年事

漢書王莽傳遣誅貉將軍陽俊討穢將軍嚴尤出

漁陽

莽二年討匈奴也

烏桓

按漢武帝擊破匈奴左地因徙烏桓於上谷漁陽右北平遼西遼東塞外在今承德府北境

漢書匈奴傳

互見後漢書烏桓傳

烏桓嘗發先單于家匈奴

怨之發二萬騎擊烏桓大將軍霍光欲發兵邀擊之問中郎將范明友明友言可擊於是拜為度遼將軍將二萬騎出遼東匈奴聞漢兵至引去初光

誠明友兵不空出烏桓時新中奴兵明友既後匈奴因乘烏桓敝擊之斬首六十餘級獲三王首還

元鳳

三年

按范明友所誅之三王或係武帝所封或即自稱為王史記漢書俱未詳昭帝紀謂遼東烏桓反以中郎將范明友為度遼將軍將北邊七郡兵二千騎擊之觀匈奴及烏桓傳知明友本為邀擊匈奴而出特乘烏桓之敝耳

後漢書烏桓傳烏桓復寇幽州明友輒破之

元鳳六年

宣帝時乃稍保塞降附

漢書匈奴傳匈奴遣使者責烏桓稅烏桓距曰奉
天子詔條不當與匈奴稅匈奴使怒收烏桓酋豪
縛到懸之首豪昆弟怒共殺匈奴使及其官屬單
于聞之發左賢王共入烏桓責殺使者因攻擊之
烏桓分散或走上山或東保塞匈奴頗殺民人毆
婦女弱小且千人去置左地告烏桓曰持馬畜皮

布來贖之烏桓見畧者親屬二千餘人持財畜往

贖匈奴受留不遣

在平帝時

按武帝所徙之烏桓在五郡塞外而塞上自為
亭障之地宣帝以後烏桓始保塞乃入居塞上
之漸

後漢

匈奴

按匈奴當後漢時分為南北二庭自相攻擊罕

為漢患南單于居西河美稷去今承德府境殊
遠而北單于則更遠矣茲亦但錄其在上谷以
東之事

後漢書匈奴傳單于畏漢乘其敝乃遣使詣漁陽

求和親

建武二十二年

北單于入雲中遂至漁陽太守廉

范擊卻之

永平十六年

延熹九年南單于諸部並畔遂

與烏桓鮮卑寇緣邊九郡以張奐為北中郎將討

之單于諸部悉降

烏桓

按烏桓在後漢時入居塞內今承德府皆烏桓地故于上谷等五郡為患尤甚

後漢書烏桓傳光武初烏桓與匈奴連兵為寇代郡以東尤被其害朝發穹廬暮至城郭五郡民庶家受其辜至於郡縣損壞百姓流亡

後漢書祭彤傳建武初匈奴鮮卑及赤山烏桓連和強盛數入塞殺畧吏人朝廷以為憂益增緣邊

兵郡有數千人又遣諸將分屯障塞

後漢書天文志元興元年遼東貊人反鈔六縣發上谷漁陽右北平遼西烏桓兵討之

後漢書烏桓傳永初三年夏漁陽烏桓與右北平胡千餘寇代郡上谷

後漢書靈帝紀中平四年漁陽人張純與同郡張舉舉兵叛攻殺右北平太守劉政遼東太守楊終護烏桓校尉公綦稠等舉兵自稱天子寇幽冀二

州

劉攽曰案張舉自稱天子誤出一兵字

五年九月遣中郎將孟益

率騎都尉公孫瓚討漁陽賊張純等十一月公孫

瓚與張純戰於石門大破之六年三月幽州牧劉

虞購斬漁陽賊張純公孫瓚傳烏桓反畔與賊張

純等攻擊薊中瓚率所領追討純等有功遷騎都

尉張純復與畔胡卬力居等寇漁河間渤海入平

原多所殺畧瓚追擊戰於屬國石門虜遂大敗棄

妻子踰塞走悉得其所畧男女瓚深入無繼反為

卽力居等所圍於遼西管子城二百餘日糧盡食
馬馬盡煮弩楯力戰不數乃與士卒辭訣各分散
還時多雨雪墜阮死者十五六虜亦飢困遠走柳

城

劉攽曰案
述當作還

璜常與善射之士數十人皆乘白馬

以為左右翼自號白馬義從烏桓更相告語避白

馬長史乃畫作璜形馳騎射之中者咸稱萬歲劉

虞傳中平初車騎將軍張溫討賊邊章等發幽州

烏桓三千突騎而牢虞逋懸皆畔還本國前中山

相張純私謂前太山太守張舉曰今烏桓既畔皆
願為亂子若與吾共率烏桓之衆以起兵庶幾可
定大業舉因然之四年純等遂與烏桓大人共連
盟攻薊下燔燒城郭虜畧百姓舉稱天子純稱彌
天將軍安定王誘使烏桓峭王等步騎五萬入青
冀二州虞復拜幽州牧設賞購舉純舉純走出塞
餘皆降散純為其客王政所殺送首詣虞

三國志魏武帝紀三郡烏丸承天下亂破幽州畧

有漢民合十餘萬戶袁紹皆立其酋豪為單于以
家人子為己女妻焉遼西單于蹋頓尤強為紹所
厚故尚兄弟歸之數入塞為害建安十二年公將
北征三郡烏桓諸將皆曰袁尚亡虜耳夷狄貪而
無親豈能為尚用今深入征之劉備必說劉表以
襲許萬一為變事不可悔惟郭嘉勸公行五月至
無終七月大水傍海道不通田疇請為鄉導公從
之引軍出盧龍塞塞外道不通乃塹山堙谷五百

餘里經白檀歷平岡涉鮮卑庭東指柳城未至二
百里虜乃知之尚熙與蹋頓遼西單于樓班右北
平單于能臣抵之等將數萬騎逆軍八月登白狼
山卒與虜遇衆甚盛公車重在後被甲者少左右
皆懼公登高望虜陣不整乃縱兵擊之使張遼為
先鋒虜衆大奔斬蹋頓及名王已下胡漢降者二
十餘萬口遼東單于速僕丸及遼西北平諸豪棄
其種人與尚熙奔東尚有數千騎遼東太守公孫

康斬尚熙及速僕丸等傳其首烏丸傳裴松之注
引英雄紀曰袁紹遣使拜烏丸三王為單于皆安
車華蓋羽旄黃屋左纛

三國志魏武帝紀裴松之注引曹瞞傳曰時寒且
旱二百里無復水軍又乏食殺馬數千以為糧鑿
地三千餘丈乃得水既還科問前諫者衆莫知其
故人人皆懼公皆厚賞之曰孤前行乘危以徼倖
雖得之天所佐也故不可以為常諸君之諫萬安

之計是以相賞後勿難言之田疇傳疇常忿烏丸
昔多賊殺其郡冠蓋有欲討之意而力未能太祖
北征烏丸先遣使辟疇隨軍次無終時方夏水雨
而濱海洿下凜滯不通虜亦遮守蹊要軍不得進
太祖患之以問疇疇曰此道秋夏每常有水淺不
通車馬深不載舟船為難久矣舊北平郡治在平
岡道出盧龍達於柳城自建武以來陷壞斷絕垂
二百載而尚有微徑可從今虜將以大軍當由無

終不得進而退懈弛無備若嘿回從廬龍口越白
檀之險出空虛之地路近而便掩其不備蹢頓之
首可不戰而擒也太祖曰善乃引軍而還而署大
水表於水側路旁曰方今暑夏道路不通且俟秋
冬乃復進軍虜候騎見之誠以為大軍去也太祖
令疇將其衆為鄉導上徐無山出廬龍歷平岡登
白狼堆去柳城二百餘里虜乃驚覺單于身自臨
陣太祖與交戰遂大斬獲追奔逐北至柳城軍還

入塞烏丸傳太祖自征蹋頓於柳城潛軍詭道未至百餘里虜乃覺尚與蹋頓將衆逆戰於凡城兵馬甚盛太祖登高望虜陣柳城軍未進觀其小動乃擊破其衆臨陣斬蹋頓首死者被野

鮮卑

按鮮卑興於建武之初至漢末檀石槐益強分為三部其卓帳雖在代郡北今承德府境亦其疆域所及也

後漢書鮮卑傳永元十三年遼東鮮卑寇右北平
因入漁陽漁陽太守擊破之延平元年鮮卑復寇
漁陽太守張顯率數百人出塞追之兵馬掾嚴授
諫曰前道險阻賊勢難量宜且結營先令輕騎偵
視之顯意甚銳怒欲斬之因復進兵遇虜伏發士
卒悉走惟授力戰身被十創手殺數人而死顯中
流矢主簿衛福功曹徐咸皆自投赴顯俱歿陣節
太后策書褒歎賜顯錢六十萬以家二人為郎授

福咸各錢十萬除一子為郎

後漢書安帝紀元初四年鮮卑寇遼西遼西郡兵

與烏桓擊破之

互見鮮卑傳

後漢書鮮卑傳永建三年四年鮮卑頻寇漁陽六

年秋耿种遣司馬將胡兵數千人出塞擊破之冬

漁陽太守又遣烏桓兵擊之斬首八百級獲牛馬

生口

後漢書靈帝紀建寧元年十二月鮮卑及濊貊寇

幽并二州熹平二年十二月鮮卑寇幽并二州四年五月鮮卑寇幽州五年鮮卑寇幽州六年十二月鮮卑寇遼西光和二年十二月鮮卑寇幽并二州三年冬閏月鮮卑寇幽并二州四年十月鮮卑寇幽并二州中平二年十一月鮮卑寇幽并二州三年十二月鮮卑寇幽并二州

按後漢之季鮮卑屢寇邊郡茲取其與今境相近者載之餘不具錄

晉

前燕

按慕容氏自涉歸以後至廐及皝並受晉封建
晉咸康三年皝始稱王永和元年始不用晉年
號故自涉歸以後凡有事於今承德府全境者
並錄之

十六國春秋前燕錄慕容廆父涉歸一名奕洛韓
以金柳城之勲進拜鮮卑單于晉太康二年冬涉

歸始寇昌黎安北將軍嚴詢敗走之斬獲萬計四

年涉歸卒廐出避難五年

通鑑作六年

國人迎廐立之

代領部落初涉歸與宇文鮮卑素有隙廐將修先
君之怨表請討之武帝弗許廐怒入寇遼西殺掠
甚衆帝遣幽州諸軍討之自後復掠昌黎每歲不
絕

按晉書武帝紀載涉歸寇昌黎事作太康二年
十月鮮卑慕容廐于昌黎三年三月安北將軍

嚴詢敗鮮卑慕容廆于昌黎殺傷數萬人據十六國春秋及通鑑俱作慕容涉歸蓋慕容廆以太康五年始立也當屬晉紀之疎因廆後復掠昌黎而致誤耳

晉書康帝紀建元元年石季龍帥衆伐慕容皝大敗之七月石季龍將戴開帥衆來降丁巳詔曰慕容皝推殄羯寇乃至死沒八萬餘人將是其天亡之始也中原之事宜加籌量且戴開已帥部黨

歸順宜見慰勞其遣使詣安西驃騎諮謀諸軍事
十六國春秋前燕錄永和元年冬十月訖以古者
諸侯即位各稱元年於是始不用晉年號

晉書穆帝紀永和三年夏五月進慕容皝為安北

將軍

前燕錄作安北大將軍

按慕容氏世受晉封自慕容廆於太康十年拜
鮮卑都督大興元年拜龍驤將軍大單于三年
加監平州諸軍事安北將軍平州刺史四年拜

使持節都督幽州東夷諸軍事車騎將軍平州
牧進封遼東郡公慕容皝於咸和九年拜鎮軍
大將軍平州刺史大單于遼東公持節都督承
制封拜一如庾故事咸康四年加征北大將軍
幽州牧領平州刺史七年拜持節侍中大將軍
大都督河北諸軍事幽州牧大單于燕王以是
時未都龍城尚不在今境內故不錄

穆帝紀永和五年四月假慕容儁大將軍幽平二

州牧大單于燕王慕容儁載紀永和五年僭即燕
王位依春秋列國故事稱元年是歲穆帝使謁者
陳沉拜儁為持節侍中大都督都督河北河諸軍
事幽冀并平四州牧大將軍大單于燕王承制封
拜一如鹿孰故事

按十六國春秋載儁元年受晉封爵與晉書載
記同而載記與本紀互異今兩存之考前燕慕
容孰於晉成帝咸康八年十月始居龍城至其

子慕容儁二年當晉穆帝永和六年復遷於薊
今但錄其在龍城時事

北燕

十六國春秋北燕錄太平九年四月跋遣王特兒
等入貢於晉魏章武太守捕之五月晉青州刺史
申永遣使浮海來聘跋使中書郎李扶報之

按後燕慕容寶永康二年始去中山走保龍城
當晉安帝隆安元年至北燕馮跋太平九年當

晉安帝義熙十三年中間與晉久相隔絕惟是
年一通使餘無事可書

宋

北燕

南史朱修之傳太武伐馮文通修之及同沒人邢
懷明並從又有徐卓者亦沒魏復欲率南人竊發
事泄見誅修之懷明懼禍同奔文通不見禮停一
年會宋使至修之名位素顯傳詔見便拜彼國敬

傳詔呼為天子邊人見傳詔致敬乃始禮之時魏
屢伐黃龍文通遣使求救修之乃使傳詔說而遣
之

宋書文帝紀元嘉十二年正月封黃龍國主為燕
王

十六國春秋北燕錄大興五年正月宏遣使詣建
康稱藩奉貢於宋四月遣右衛將軍孫德乞師於
建康

按北燕馮宏大興五年即宋文帝元嘉十年

宋書高句驪傳跋死子文通立屢為索虜所攻不能下大祖世每歲遣使獻方物元嘉十二年賜加除授

按文通跋之季弟晉書載記魏書十六國春秋並同宋書以為跋之子誤

欽定熱河志卷九十九

欽定四庫全書

欽定熱河志卷一百

故事二

後魏

前燕

魏書昭成帝紀建國六年慕容元真遣使薦女七年二月遣大人長孫秩迎后慕容氏元真之女於境六月皇后至自和龍七月慕容元真遣使奉聘

求交婚帝許之九月以烈帝女妻之八年慕容元真遣使朝貢

按十六國春秋前燕錄載建元元年七月昭成帝復求婚於皝皝使納馬千匹為禮昭成不與又倨慢無子壻禮八月皝遣世子儁率前軍師將軍評等伐之昭成率衆遁走評等無所見而還即魏書所載薦女事也至魏昭成建國六年當晉康帝建元元年其八年當晉穆帝永和元

年皆黜遷龍城後僞遷薊前事故錄之

北燕

魏書太宗紀神瑞元年八月遣謁者於什門招諭
馮跋泰常元年徙何部落庫儁官斌先降後復叛
歸馮跋驍騎將軍延普渡濡水討擊大破之斬斌
及馮跋幽州刺史漁陽公庫儁官昌征北將軍闕
內侯庫儁官提等首生擒庫儁官女生縛送京師
幽州平泰常三年五月壬子車駕東巡至於濡源

及甘松遣征東將軍長孫道生給事黃門侍郎奚
觀率精騎二萬襲馮跋又命驍騎將軍延普自幽
州北趣遼西為聲勢帝自突門嶺待之道生至龍
城徙其民萬餘家而還六月乙酉車駕西返

按後魏神瑞元年當晉安帝義熙十年北燕馮
跋太平六年後魏泰常元年當晉安帝義熙十
二年北燕馮跋太平八年

魏書李先傳先與上黨王長孫道生率師襲馮跋

乙連城克之悉虜其衆乃進討和龍先言於道生
曰宜密使兵卒人備青草一束各五尺圍用填城
塹攻其西南絕其外援勒兵急攻賊必可擒道生
不從遂掠民而還尉古真傳古真帝諾初為幽州
刺史加東統將軍進爵為侯長孫道生之討馮跋
也諾與驍騎將軍延普率師次遼西轉寧東將軍
進爵武陵公

按是年當晉安帝義熙十四年北燕馮跋太平

十年

魏書世祖紀延和元年五月大簡輿徒於南郊將
討馮文通六月庚寅車駕伐和龍七月己未車駕
至濡水庚申遣安東將軍宜城公奚斤發幽州民
及密雲丁零萬餘人運攻具出南道俱會和龍已
巳車駕至和龍臨其城八月甲戌文通使載萬人
出城挑戰昌黎公元邱與河間公元齊擊破之死
者萬餘人文通尚書高紹率萬餘家保羌胡以自

固已郊車駕討紹辛巳斬之詔平東將軍賀多羅
攻文通帶方太守慕容元攻侯固撫軍大將軍永
昌王健攻建德驃騎大將軍樂平王丕攻冀陽皆
拔之虜獲生口班賜將士各有差九月乙卯車駕
西還十月癸酉車駕至濡水十一月乙巳車駕至
自伐和龍二年二月庚午詔兼鴻臚卿李繼持節
假馮崇

文通子封
長樂公

車騎大將軍遼西王承制聽置

尚書已下賜崇功臣爵秩各有差六月遣撫軍大

將軍永昌王健左僕射安原督諸軍討和龍將軍

樓勅別將五千騎

十六國春秋作五百騎

圖凡城

原作瓦城誤

文

通守將封羽以城降徙其民三千餘家三年六月

辛亥撫軍大將軍永昌王健司空汝陰公長孫道

生侍中古弼督諸軍討和龍芟其禾稼徙民而還

太延元年六月戊申詔驃騎大將軍樂平王丕等

五將率騎四萬東伐文通已殂丕等至於和龍徙

男女六千口而還

按後魏延和元年當宋文帝元嘉九年北燕馮
文通太興二年十六國春秋載拜崇假節侍中
都督幽平二州東夷諸軍士車騎大將軍領護
東夷校尉幽平二州牧遼西王與此詳畧有異
魏書屈遵傳屈須遵孫子恒督諸軍東伐進號鎮東
大將軍師次和龍文通致牛酒以犒軍獻甲三千
恒責其不送侍子數之以王命

按屈恒十六國春秋作屈垣考魏書恒字長生

當從魏書作恒為是又韓茂傳及尉撥傳皆云
從樂平王丕討和龍即此事也

魏書世祖紀太延二年三月辛未平東將軍娥清
安西將軍古弼率精騎一萬討文通平州刺史元
嬰又率遼西將軍會之五月乙卯馮文通奔高麗
古弼傳文通之奔也弼部將高苟子率騎衝擊賊
軍弼酒醉拔刀止之故文通得東奔將士皆怨弼
不擊世祖大怒徵還黜為廣夏門卒樂平王丕傳

初馮文通之奔高麗世祖詔遣送之高麗不遣世祖怒將討之丕上疏以為和龍新定宜優復之使廣修農殖以饒軍實然後進圖可一舉而滅帝納之乃止

安州

魏書封懿傳同

懿族孫

除鎮遠將軍安州刺史山民

愿朴父子宿旅同寢一室回下車勒令別處其俗

遂改江悅之傳文選

悅之子

肅宗初拜平原太守遷

後將軍安州刺史善於綏納甚得物情時杜洛周
葛榮等相繼叛逆自幽燕以南悉皆淪陷唯文遙
介在羣賊之外孤城獨守鳩集荒餘且耕且戰百
姓皆樂為用

營州

魏書肅宗紀熙平二年九月城營州治和龍城正
光五年十月營州城人劉安定就德興據城反執
刺史李仲遵城人王惡兒斬安定以降德興東走

自號燕王盧同傳營州城民就德興謀反除同度
支尚書黃門如故持節使營州慰勞聽以便宜從
事同頻遣使人皆為賊害乃遣賊家口三十人并
免家奴為良齎書諭德興德興乃降安輯其民而
還德興復反詔同以本將軍為幽州刺史兼尚書
行臺尉勞之同慮德興難信勒衆而往為德興所
擊大敗而還

魏書肅宗紀孝昌二年九月就德興攻陷平州殺

刺史王買奴

按此雖平州事以德興為營州賊故著之

魏書孝莊紀永安二年十一月就德興自營州遣使請降

庫莫奚

魏書太祖紀登國二年十月癸卯幸濡源十二月巡松漠三年五月癸亥帝北征庫莫奚六月大破之獲其四部雜畜十餘萬渡弱落水班賞將士各

有差長孫肥傳登國初與莫題等俱為大將自濡源擊庫莫奚討賀蘭部並有戰功

魏書高祖紀太和十四年五月庫莫奚犯塞安州將樓龍兒擊走之

魏書庫莫奚傳登國三年太祖親自出討大破之既而車駕南還十數年間庫莫奚滋盛及開遼海置戍和龍諸夷震懼各獻方物高宗顯祖世庫莫奚歲致名馬文皮太和四年輒入塞內辭以畏地

豆千抄掠詔書切責之二十二年入寇安州營燕
幽三州兵數千人擊走之後復款附求入塞與民
交易自是以後歲常朝獻至於武定末不絕

按庫莫奚自北魏滅燕之後每歲入貢魏書帝
紀載興安二年十二月遣使朝獻興光元年九
月庫莫奚獻名馬有一角狀如麟皇興元年二
月二年四月三年二月四年二月延興二年八
月三年八月四年九月俱遣使朝貢五年五月

遣使獻名馬承明元年二月七月九月太和元
年二月十月三年九月十七年五月正始四年
八月永平元年七月八月二年八月三年十月
延昌元年十月二年八月三年十月正光四年
九月五年十二月孝昌二年四月俱遣使朝貢
又周書庫莫奚傳大統五年遣使獻方物亦在
魏末類記於此

契丹

魏書契丹傳契丹國在庫莫奚東俱窻松漠之間

登國中大破之遂逃迸與庫莫奚分背

北史作佳

經數

十年稍滋蔓有部落於和龍之北數百里多為寇盜真君以來求朝獻歲貢名馬顯祖時使莫弗紇何辰奉獻得班饗於諸國之末歸而相謂言國家之美心皆欣慕於是東北羣狄聞之莫不思服皆得交市於和龍密雲之間太和三年莫賀弗勿於內附止於白狼水東自此歲常朝貢

按契丹自北魏滅燕後屢來朝貢魏書帝紀載
太延三年二月興安二年十二月皇興二年四
月三年二月四年二月延興三年二月四月四
年九月五年五月承明元年九月太和元年二
月十月三年九月十七年五月永平元年七月
二年七月三年閏五月四年七月延昌元年七
月二年八月三年九月熙平二年二月八月正
光五年十二月俱遣使朝貢彙著於此

北齊

營州

北齊書文宣紀天保九年七月詔營州去年蝨湯
損田蕪春夏少雨苗家薄者免今年租賦

庫莫奚

北齊書文宣紀天保三年正月帝親討庫莫奚於
代郡大破之獲雜畜十餘萬分賚將士各有差以
奚口付山東為民孝昭紀皇建元年十一月帝親

戎北討庫莫奚出長城虜奔遼分兵致討大獲牛馬

契丹

北齊書文宣紀天保四年九月契丹犯塞壬午帝北巡冀定幽安仍北討契丹十月丁酉帝至平州遂從西道趣長塹詔司徒潘相樂率精騎五千自東道趣青山辛丑至白狼城壬寅經昌黎城復詔安德王韓軌率精騎四千東趣斷契丹走路癸卯

至陽師水倍道兼行掩襲契丹甲辰帝親踰山嶺
為士卒先指麾奮擊大破之樂又於青山大破契
丹別部綦連猛傳天保四年從討契丹於黃龍

按庫莫奚契丹在北齊時帝紀載天保元年十
二月庫莫奚遣使朝貢三年二月契丹遣使朝
貢四年正月六年十二月七年九月八年八月
庫莫奚連遣使朝貢河清二年十二月庫莫奚
契丹並遣使朝貢天統元年契丹遣使朝貢亦

類記於此

隋

營州遼西郡

隋書文帝紀開皇三年四月庚辰行軍總管陰壽
破高寶寧於黃龍五月丙寅赦黃龍死罪以下燭
帝紀大業十年二月戊子詔曰往年出軍問罪將
屈遼瀆死亡者衆不及埋藏令宜遣使人分道收
塋設祭於遼西郡立道場一所恩加泉壤庶弭窮

魂之寃澤及枯骨用宏仁者之惠

按是詔指大業八年九年兩伐高麗之事

隋書煬帝紀帝盛典屯田於柳城之外王世積傳
遼東之役世積與漢王並為行軍元帥至柳城遇
疾疫而還元孝矩傳孝矩弟褒遼東之役以行軍
總管從漢王至柳城而還

按柳城於北魏時為龍城縣隋改龍山縣後復
改柳城縣屬遼西郡

北史勿吉國傳煬帝初與高麗戰頻敗其渠帥突
地稽率其部降拜右祿大夫居之柳城與邊人來
往悅中國風俗請被冠帶帝嘉之賜以錦綺而褒
寵之及遼東之役突地稽率其徒以從每有戰功
賞賜甚厚十三年從幸江都尋放還柳城

奚

隋書奚傳初臣於突厥自突厥稱藩之後遣使入
朝或通或絕最為無信大業時歲遣使貢方物

契丹

隋書高祖紀開皇四年九月契丹內附契丹傳開
皇六年諸部相攻擊又與突厥相侵高祖使使責
讓之其國遣使詣闕頤顙謝罪其後契丹別部出
伏等內附安置於渴奚那頡之北開皇末其別部
四千餘家背突厥來降上方與突厥和好重失遠
人之心悉令給糧還本部

原脫部字
依北史補

勅突厥撫納

之固辭不去部落漸衆遂北徙逐水草當遼西正

北二百里依託統臣水而居東西亘五百里南北
三百里分為十部兵多者三千少者千餘逐寒暑
隨水草畜牧有征伐則首帥相與議之興兵動衆
合如符契

原脫如字
依北史補

突厥沙鉢略可汗遣吐屯潘

埏統之契丹殺吐屯而遁大業七年遣使朝貢方

物契丹殺

吐屯以下十七字隋
書刊本脫去依北史補入

按隋書刻本契丹傳與室韋傳誤相連屬中有
脫文今所引依北史補正至於奚契丹在隋時

據奚傳稱大業時每歲朝貢契丹傳稱大業七
年朝貢茲考帝紀載開皇五年四月契丹遣使
貢方物十三年正月契丹奚並遣使貢方物二
十年正月契丹遣使貢方物大業十一年契丹
遣使朝貢亦類記於此

唐

營州

舊唐書太宗紀貞觀十五年十一月薛延陀以同

羅僕骨回紇鞬靺靥之衆度漠屯於白道川命營
州都督張儉統所部兵壓其東境

唐書太宗紀貞觀十六年七月營州都督張儉率
幽州兵及契丹奚以伐高麗十九年九月班師十
月次營州以太宰祭死事者高麗傳詔集戰骸葬
於柳城祭以太宰帝臨哭從臣皆流涕貞觀二十
二年李勣為遼東道行軍大總管右武衛將軍孫
貳朗右屯衛大將軍鄭仁泰副之率營州都督由

新城道以進次南蘇木郭知運傳詔知運兼隴右
經畧使營柳

資治通鑑開元二年初營州都督治柳城以鎮撫
奚契丹則天之世都督趙文翹失政奚契丹攻陷
之是後寄治於幽州東漁陽城或言韃韃奚靺鞨大
欲降唐正以唐不建營州無所依投為默啜所侵
擾故且附之若唐復建營州則相帥歸化也并州
長史和戎大武等軍州節度大使薛納信之奏請

擊契丹復置營州五年奚契丹既內附貝州刺史
宋慶禮建議請復營州三月制復置營州都督於
柳城兼平盧軍使管内州縣鎮戍皆如其舊以太
子詹事姜師度為營田度支使與慶禮等築之三
旬而畢

唐書肅宗紀寶應元年建寅月戊申史朝義陷營
州

奚

唐書奚傳顯慶間奚叛五年以定襄都督阿史德
樞賓左武侯將軍延陀梯真居延州都督李含珠
為冷陁道行軍總管明年詔尚書右丞崔餘慶持
節總護三都督討之奚懼乞降萬歲通天中叛延
和元年以左羽林衛大將軍幽州都督孫佺左驍
衛將軍李楷洛左威將軍周以悌帥兵十二萬為
三軍襲擊其部次冷陁與戰不利遂大敗佺以悌
皆為虜禽送默啜害之朝廷方多故未暇討

資治通鑑景雲元年十二月奚靺鞨犯塞掠漁陽雍奴出盧龍塞而去幽州都督薛訥追擊之弗克先天元年十一月奚契丹二萬寇漁陽幽州都督宋璟閉城不出虜奴大畧而去

舊唐書薛訥傳時契丹及奚與突厥連和屢為邊患訥建議請出師討之開元二年夏詔與左監門將軍杜賓客定州刺史崔宣道等率師二萬出檀州道以討契丹等杜賓客以為時屬炎暑將士負

戈甲齎資糧深入寇境恐難為制勝中書令姚元崇亦以為然訥獨曰夏月草茂羊犢生息之際不費糧儲亦可漸進一舉振國威靈不可失也時議咸以為不便元宗方欲威服四夷特令訥同紫微黃門三品總兵擊奚丹議者乃息六月師至灤河遇賊時既蒸暑諸將失計會盡為契丹等所覆訥脫身走免歸罪於崔宣道及藩將李思敬等八人詔盡令斬之特免杜賓客唐書元宗紀開元二年

七月薛訥及奚契丹戰於灤河敗績

舊唐書元宗紀開元二十年正月信安郡王禕為河東河北道行軍副元師以伐奚契丹三月信安郡王禕及奚契丹戰於薊州敗之五月忠王浚俘奚契丹以獻裴耀卿傳禮部尚書信安王禕受詔討契丹詔以耀卿為副俄又令耀卿齎絹二十萬疋分賜立功奚官就部落以給之耀卿謂人曰齎持財帛深入寇境不可不為備也乃令先期而往

分道互進一而給付並畢時突厥及室韋果勒兵
邀險謀劫襲之比至而耀卿已還烏承玘傳契丹
可突於殺其王邵固降突厥而奚亦亂其王魯蘇
擊族屬及邵固妻子自歸是歲值奚契丹入寇詔
承玘擊之破於捺祿山二十二年詔信安王禕率
幽州長史趙含章進討承玘請含章曰二虜固劇
賊前日戰而北非畏我乃誘我也公宜畜銳以折
其謀含章不信戰白城東大敗承玘獨按隊出其

右斬首萬計可突於奔此奚

唐書德宗紀貞元十一年奚冠平州劉濟敗之於青都山劉怱傳子濟奚數侵邊濟擊走之窮追千餘里至青都山斬首二萬級其後又掠檀薊北鄙濟率軍會室韋破之

唐書張仲武傳始回鶻常有酋長監奚契丹以督歲貢因詔刺中國仲武使裨將石公緒等原結二部執謀者八百餘人殺之大中初又破奚北部及

山奚俘獲雜畜不貲奚傳大中元年北部諸山奚
悉叛盧龍張仲武禽首渠燒帳落二十萬取其剽
史以下面耳三百牛羊七萬輜貯五百乘獻京師
按唐書奚傳貞觀三年始來朝閱十七歲凡四
朝貢開元二年使與蘇悔落丐降明年身入朝
終帝之世凡八入朝至德大歷間十二德宗時
兩朝獻元和元年君梅落身入朝憲宗世四朝
獻太和九年來朝咸通九年使入朝而舊唐書

奚傳別叙景雲元年遣使貢方物則新書之漏也

契丹

資治通鑑唐太宗貞觀二年四月丙申契丹酋長率其部落來降四年突厥既亡營州都督薛萬淑遣契丹酋長貪没折說諭東北諸夷奚靺鞨等十餘部皆內附高宗顯慶五年以定襄都督阿史德樞賓等為沙磧道行軍總管以討契丹擒契丹

松漠都督阿卜固送東都

唐書武后紀萬歲通天元年五月契丹首領松漠
都督李盡忠歸誠州刺史孫萬榮陷營州殺都督
趙文彪左鷹揚衛將軍曹仁師右金吾衛大將軍
張元遇左威衛大將軍李多祚司農少卿麻仁節
等擊之七月春官尚書武三思為榆關道安撫大
使納言姚璹為副以備契丹八月張元遇曹仁師
麻仁節等及契丹戰於黃麋谷敗績執元遇仁節

九月同州刺史武攸宜為清遠道行軍大總管以
擊契丹十月辛卯契丹寇冀州刺史陸寶積死之
資治通鑑則天皇后萬歲通天元年契丹破營州
獲唐俘數百囚之地牢聞唐兵將至使守牢霄給
之曰吾輩家屬饑寒不能自存唯俟官軍至即降
耳既而契丹引出其俘飼以糠粥慰勞之曰吾養
汝則無食殺汝又不忍今縱汝去遂釋之俘至幽
州具言其狀諸軍聞之爭欲先入至黃虜谷虜又

使老弱迎降故遺老牛瘦馬於道側仁師等三軍
棄步卒將騎兵輕集契丹設伏橫擊之飛索以縋
元遇仁節獲之將卒死者填山谷鮮有脫者契丹
得軍印詐為牒令元遇等署之牒總管燕匪石宗
懷昌等云官軍已破賊若不至營州軍將皆斬兵
不叙勳匪石等得牒晝夜兼行不遑寢食以赴之
士馬疲敝契丹伏兵於中道邀之全軍皆沒

唐書武后紀神功元年三月王孝傑及萬斬戰於

東破石谷敗績孝傑死之四月右金吾衛大將軍
武懿宗為神兵道行軍大總管及右豹韜衛將軍
何迦密以擊契丹五月婁師德為清邊道行軍副
總管右武威將軍沙叱忠義為清邊中道前軍總
管以擊契丹王孝傑傳契丹李盡忠等叛有詔起
白衣為清邊道總管將兵十八萬討之軍至東碇
石谷與賊接道隘虜衆孝傑率銳兵先驅出谷整
陣與賊戰而後軍總管蘇宏暉以其軍退援不至

為虜所乘軍潰孝傑墮谷死士相蹂且盡

資治通鑑先天元年十一月契丹寇漁陽大略而

去

詳見前
奚條

唐書元宗紀開元二年薛納及契丹戰於灤河敗

績

詳見前
奚條

舊唐書元宗紀開元二十年信安郡王祿為河東

河北道行軍副元師伐契丹敗之

詳見前
奚條

郭知運

傳開元二十一年幽州長史薛楚玉遣英傑及裨

將吳克勤烏知義羅守忠等精騎萬人及降奚之衆以討契丹屯兵於榆關之外契丹首領可突于引突厥之衆拒戰於都山之下官軍不利知義守忠麾下便道遁歸英傑與克勤逢賊力戰戰皆沒於陣其下精銳六千餘人仍與賊苦戰賊以英傑之首示之竟不降盡為賊所殺

按新書郭知運傳作二十三年誤也

舊唐書元宗紀二十二年二月幽州長史張守珪

發兵討契丹斬其王屈烈及其大臣可突于於陣
傳首東都餘叛奚皆散走山谷立其酋長李過折
為契丹王張守珪傳先是契丹及奚連年為邊患
契丹衙官可突于驍勇有謀畧頗為夷人所服趙
含章薛楚玉等前後為幽州長史竟不能拒及守
珪到官頻出擊之每戰皆捷契丹首領屈刺與可
突于恐懼遣使詐降守珪察知其偽遣管記右衛
騎曹王悔詣其部落就謀之悔至屈刺帳賊徒知

無降意乃移其營帳漸向西北密遣使引突厥將
殺悔以叛會契丹別帥李過折與可突于爭權不
叶悔潛誘之夜漸屈刺及可突于盡誅其黨率餘
衆以降守珪因出師次於紫蒙川大閱軍實讌賞
將士傳屈刺可突于等首於東都梟於天津橋之
南詔封李過折為北平王使統其衆尋為可突于
餘黨所殺

按屈刺可突于之死本紀以為陣斬而守珪傳

則言李過折殺之以降蓋必守珪以陣斬奏故
本紀從之而本傳則紀其實也屈刺本紀作屈
烈係傳寫之訛

唐書烏承玘傳契丹可突于降突厥入寇詔承玘
擊之破於捺祿山

詳見前
奚條

唐書安祿山傳天寶十一載率河東兵討契丹告
奚曰彼背盟我將討之爾助我乎奚為出徒兵二
千餘人鄉導至土護真河祿山計曰道雖遠我疾

趣賊乘其不備破之固矣乃勅人持一繩欲盡縛
契丹晝夜行三百里次天門嶺會雨甚弓弛矢脫
不可用祿山督戰急大將何思德曰士方疲宜少
息使使者盛陳利害以脅賊賊必降祿山怒欲斬
以令軍乃請戰思德貌類祿山及戰虜叢矛注矢
邀取之傳言祿山獲矣奚聞亦叛夾攻祿山營士
畧盡祿山中流矢引奚兒數十棄衆走山而墜慶
緒孫孝哲掖出之夜走平盧部將史定方以兵鏖

戰虜解圍去

唐書元宗紀天寶十四載三月安祿山及契丹戰於潢水敗之

唐書張仲武傳仲武厚結二部

契丹

執諜者八百

餘人殺之

詳見前
奚條

唐書契丹傳咸通中其王習爾之再遣使者入朝部落寢強習爾之死族人欽德嗣光啟時入寇幽薊劉仁恭窮師踰摘星山討之歲燎塞下草使不

得留牧馬多死契丹乃乞盟獻良馬求牧地仁恭
許之劉守光戍平州契丹以萬騎入守光偽與和
張飲具於野伏發禽其大將欽德翰重賂求之乃
與盟十年不敢近邊

按唐書契丹傳稱武德中遣人來朝而君長或
小入寇邊後二年乃遣使者上名馬豐貂貞觀
三年來朝由是有常未幾舉部內屬在開元天
寶間使朝獻者無慮二十至德寶應時再朝獻

欽定四庫全書
卷一百
大厯中十三貞元間三元和中七太和開成間
凡四此契丹於唐時朝貢之大畧也